



Kuno Fencker
Inatsisartunut ilaasortaq, Siumut
inatsisartut@ina.ala.gl

Nuummi mittarfik pillugu § 37 naapertorlugu apeqquteqaammut 2024-212-imut akissut

25-09-2024
Sagsnr.: 2024-18077
ID. nr.: 94165919

Asasara Kuno Fencker

Inatsisartut suleriaasianni § 37 naapertorlugu Nuummi mittarfik pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Nuummi mittarfiup ammarnissaanut piffissaq eqqorneqassappat suut aaqqitassaappat?

Akissut: Akissuteqarnissami Greenland Airports A/S immersueqataatinneqarpoq:

"Nuummi mittarfik 2024-mi novembarip 28-ani ammarsinnaaqullugu, oqartussanit assigiinngitsunit akuersissutinik piniartoqassaaq. Trafikstyrelsimit, Kalaallit Nunaannilu oqartussanit. Akuersissummik pissarsissagaanni pissutsit assigiinngitsut naammassineqarsimasariaqarput. Naammassineqarsimasussat tassaasinnaapput mittarfiup sannaanut tunngasut, aammali tassaasinnaalluni uppersaasiorneq, ingerlatseriaasissiornerlu. Greenland Airports A/S isumaqarpoq, mittarfik 2024-mi novembarip 28-ani ammarsinnaaqullugu akuersissutit pisariaqartut tamarmik pissarsiarineqarsinnaassasut."

Apeqqut 2: Angallannermut Aqutsisoqarfiup uparuaassutigisai pillugit aaqqiissuteqarnissamut Naalakkersuisut qanoq pilersaaruteqarpat?

Akissut: Naalakkersuisuni ilaasortat Greenland Airports A/S-ip qullersaqarfianik, siulersuisuinillu kingullertigut ataatsimeeqateqartarput, Trafikstyrelsimillu piumasaqaataannik Nuummi mittarfiup (mittarfiit allat assigalugit) naammassinninnissaa qullersaqarfiup, siulersuisullu suliassarigaat taakkunani erseqqissaatigineqarluni.

Apeqqut 3: Akitsuutitaqanngitsunik niurneq Nuup mittarfiani ingerlanneqalerpat, nunap iluani angalasussat aamma nunatta avataanut angalasussat qanoq immikkoortinneqartassasut pilersaarutigineqarpa?

Akissut: Akissuteqarnissami Greenland Airports A/S immersueqataatinneqarpoq:

"Nuup mittarfiani terminaleqarfittaami, mittarfiit nallersuunneqarsinnaasut assigalugit sullissisoqassasoq ukkatarineqarpoq. Akitsuutitaqanngitsunik pisisinnaanermut kiisalu taakkunanga eqqussisinnaanermut periarfissaq ilanngullugu."

Akitsuutitaqanngitsunik tuniniaaneq, eqqussinerlu pillugit Kalaallit Airports A/S ukiuni kingullerni tallimani oqartussanik attuumassuteqartunik oqaloqateqartarpoq, taamaallilluni akitsuutitaqanngitsunik tuniniaasoqarsinnaallunilu eqqussisoqarsinnaaqullugu, illuutip ilusilerneqarnera oqartussat ilisimaniassammassuk.

Angalasoq Nuup mittarfiani nioqqutinik akitsuutitaqanngitsunik pisisinnaassaguni, nunap avataanut, avataaniillu angalanissamat boardingkortimik atuuttumik takutitsissaaq. Nunap iluani angalasussat, nunallu avataanut angalasussat terminaleqarfimmi immikkoortinneqassanngillat.

Greenland Airports A/S isumaqarpoq, Nuummi mittarfik 2024-mi novembarip 28-ani ammaruni akitsuutitaqanngitsunik eqqussineq, tuniniaanerlu pillugit malittarisassanik atuuttunik naammassinnissasoq. Akitsuutitaqanngitsunik niuernerlut, eqqussuinerullu atatillugu malittarisassat malinneqarnerisut Kalaallit Nunaanni oqartussat attuumassuteqartut misissuillutillu, nakkutilliisarput”.

a) Immikkoortinneqarsinnaannginnerat qanoq angalasussanut sunniuteqassannginnerat qanoq angalasussanut sunniuteqassannginnerat?

Akissut: Apeqqut 3-mut akissut takuuk.

Apeqqut 4: Greenland Airportsimi sullissinerup amigarnerrata kingunerisaanik timmisartuutiqatigiiffiit qanoq annerusumik aningaasartuuteqassappat, tassunga atatillugu akeqquneqarlutik;

a. Mittarfeqarfinnut akileraarut.

b. Orsussamik atuineruneq.

c. Aningaasartuuteqarnerit kikkunnit akilerneqassanersut, aamma

d. Qaavatiqut aningaasartuutit allat ilimasuutigineqarnerisut.

Akissut: Apeqqutit ataatsimoortillugit akineqassapput. Akissuteqarnissami Greenland Airports A/S immersueqataatinneqarpoq:

”Nuup mittarfiani akuerineqarlutik sullissinernut, matumani minnermi akileraarutit ilanngullugit akigitat Greenland Airports A/S-ip akueritillugillu tamanut saqqummiunnikuuai. Akigitat taakkua massakut atuupput, Nuummilu mittarfik tamarmi 2024-mi novembarip 28-ani ammarpat atuutissallutik.”

Apequt 5: Greenland Airportsimi aqutsisut nunatsinni najugaqarpat aamma akileraartarpat?

Akissut: Akissuteqarnissami Greenland Airports A/S immersueqataatinneqarpoq:

"Greenland Airportsip aqutsisui tamarmik Kalaallit Nunaanni najugaqarput, Kalaallit Nunaannilu akileraartartuullutik."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen